

Powšitkowne WOZJEWJENJA

njedźelu, 21. junija 2015

Poswjećenje postawy swjateho Jana Pawoła II.

W Chróšćanskej cyrkwi poswjeći farar Clemens Hrjehor tutu njedźelu, 21. junija, na nyšporje w 14 hodź. nowu postawu swjateho Jana Pawoła II. Wěriwi ze wšitkich wosadow su wutrobnje přeprošeni.

Klóšterski swjedzeń

Z Božej mšu zahaji so klóšterski swjedzeń njedźelu, 21. junija, w 10.30 hodź. w cyrkwi klóštra Marijineje Hwězdy w Pančicach-Kukowje. Po kemšach wočakuje wopytowarjow pisany program. Mjez druhim wuhotuje tam muski chór Delany koncert. Z ekumeniskim nyšporom w 17.30 hodź. so swjedzeń zakónči.

Kemše z nunciusom

Japoštołski nuncius arcybiskop dr. Nikola Eterović wopyta pónđzelu, 22. junija, Drježdźany. W 10.45 hodź. změje wón Božu mšu w Drježdźanskej katedrali. Wšitcy su wutrobnje přeprošeni.

Patronatny swjedzeń Domu swjateho Jana

Dom swjateho Jana w Smječkecach woswjeći srjedu, 24. junija, swój patronatny swjedzeń. Na swjatočnu Božu mšu, kotraž budže w 10 hodź. w Chróšćanskej cyrkwi, přeprašujemy wutrobnje wšitkich přećelow a sobudželaćerjow našeho domu kaž tež wšitkich wosadnych.

Tadej Šiman

Duchowna hudźba

Twórby Heinricha Schütza a Johanna Sebastian Bacha zaklinča njedźelu, 28. junija, we 18.00 hodź. w rjedže „Duchowna hudźba“ w Budyskej cyrkwi Našeje lubeje knjenje. Kathleen Danke (sopran), Gotthold Schwarz (bas) Hartmut Becker (violoncello) a Michaela Hassel (pišćece) hudźbny nyšpor wuhotuja. Zastup je darmotny.

Za putnikowanje do Krupki so přizjewić

Młodostni wot 16 lět su přeprošeni, wot njedźele, 26. julija, do Krupki putnikować. Woni nawróca so pjatk, 31. julija. Přizjewić měli so zajimcy hač do pjatka, 26. junija, w Chróšćicach na farje, telefonowe čisło (03 57 96) 80 400. Po tym so přizjewjenja hižo njepřijimuju. Putnicy zetkaja so njedźelu, 5. julija (nic 29. junija, kaž bě to raz planowane), po nyšporje w Chróšćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

Zetkanje Częstochofskich putnikow

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske léto docpěl. Termin putnikowanja je wot 5. do 15. awgusta. Zajimcy njech so hač do njedźele, 28. junija, pola fararja Bena Jakubaša w Njebjelčicach přizjewja, telefonowe čisło (0 35 78) 30 20 05. Zetkanje wšitkich putnikow budže wutoru, 30. junija, w 19.30 hodź. w Njebjelčicach na farje.

2. Alojsowy festiwal w Radworju

Wjele hosći wočakuja spočatk julija w Radworju. Z młodžinskim festiwalom wot pjatka do njedźele, 3. do 5. julija, woswjeća tam narodniny zbóžneho Alojsa Andrickeho. Hłowny organizator je nimo Radworskeje wosady franciskanski pater Paulus Maria Tautz. Wón je tež loňši 1. Alojsowy festiwal sobu přewjedł.

Tak poskići so na přnim dnju wot 19 hodž. koncert z rockowymi skupinami z Jendźelskeje, Nižozemskeje, USA a Němskeje. Mjez druhim wustupi na tutym wječoru Edwin Fawcett ze svojim gospelowym chórom. Tež hiphopowa hudźba Dannyja Fresha zaklinči. Hudźbne wideja jednotliwych sobuskutkowacych móža sej zajimcy na internetowej stronje www.alojsfestival.com wobhladać. Loňši tajki koncert je młodych kaž staršich jara zahorił.

Workshopy wočakuja młodostnych sobotu, 4. julija. Planowane su na přikład workshopy k temam gregorianika, foto, widejo abo zetkanje ze skupinu „YouCat-Cats“. Popołdnu wot 14 hodž. móža młodostni pak kopańcu hrać, w Starej cyrkwičce so modlić abo kabaretistej Peterej Flache připosluchać. Po Božej mši we 18 hodž. scěhuje „nightfever“.

Njedźelu, 5. julija, budže Boža mša w 9.30 hodž. Kemšam přizamknje so wosadny swjedzeń wokoło cyrkwe. Wšitcy – nic jenož młodostni – su wutrobnje do Radworja přeprošeni.

Swjedzeń poezije – wěnowany fararjej a basnikej Józefej Nowakej

Lětuši 37. swjedzeń poezije, kotryž wuhotuje Zwjazk serbskich wumělcow, je wěnowany fararjej a basnikej Józefej Nowakej. Swjedzeń zahaji so štwórtk, 25. junija, w 19 hodž. we Wili Augustin na Antonowej dróze 1 w Drježdžanach z krótkim přednoškom wo skutkowanju Józefa Nowaka a z čitanjom z jeho twórbow. Budyska nóc poezije wotměje so pjatk, 26. junija, we 18 hodž. pod wěžomaj Budyskeje Stareje wodarnje a Michałskeje cyrkwe. Mjez čitanjemi basnikow z tu- a wukraja zahraje serbska skupina SerBeat. Ekskursija „Na slědach Józefa Nowaka“ budže sobotu, 27. junija. W 14 hodž. wobrubi čitanja a krótki nyšpor we Wotrowskej cyrkwi tamniša šola a we 18 hodž. w Radworju w Starej cyrkwičce skupina „DeyziDoxs“. Zwjazk serbskich wumělcow wšitkich zajimcow wutrobnje přeprošuje.

Z busom do Fatimy

Štóž rady z lětađlom njeleći, ma skladnosć, sej da-li Bóh klětu z busom do Fatimy doječ. Jězbu planujemy za srjedź awgusta. Hłowny cil je wězo Fatima, ale wopytamy tež Santiago de Compostela a Avilu. Dokelž je za tajku jězbu něhdže dwanaće dnjow trěbnych, budže wona wězo něšto wjace hač tysac eurow płacić. K lepšemu planowanju prošu, zo bychu so zajimcy, kiž njejsu so hišće přizjewili, pola mje pod telefonowym čislom (03 59 35) 2 04 25 přizjewili. Tute přizjewjenje hišće njeje zwjazowace, ale woznamjenja tola kruty wotpohlad, wšako móhło so za tutón poměrny dołhi čas wjele změnić. T. Kubašec

Putniska jězba do Mariazella

Mariazell w Awstriskej je hłowny cil putniskeje jězby. Nimo toho chcemy wulkotny benediktinski klóšter Melk, Narodny park Gesäuse a klóšter Admont wopytać. Předwidžane je tohorunja, zo wobhladamy sej z łódže luboznu krajinu Wachau. Přenocujemy stajnje w Mariazellu. Jězba wotměje so wot pónđzele do soboty, 12. do 17. oktobra. Přizjewić móža so zajimcy pola Šmitec w Radworju, telefonowe čisło (03 59 35) 28 60.

Putniska jězba do Santiaga de Compostela a Fatimy

Za putniku jězbu z lětađlom wot pjatka hač do pjatka, 11. do 18. septembra, do Santiaga de Compostela a Fatimy su hišće někotre městna swobodne. Přizjewić móža so zajimcy hač do wutory, 30. junija, pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodž.) abo pola mje w Hórkach, Sydlišćowu puć 2. Maćij Hadank